

鐵崖先生古樂府目錄

卷六

⊗ 金溪孝女歌

楊佛子行



⊗ 金處士謔黃中子

⊗ 彭義士歌

⊗ 盧孤女

⊗ 孔節婦

陳孝童

強氏母

⊗ 蔡君俊五世家慶圖詩

⊗ 鐵面郎

⊗ 奉使謔

春草軒辭 并引

萱壽堂詞

傳道人歌 并引

留肅子歌

洪州矮張謔 并引

秀州相士歌 并引

禽演贈丁道人

冶師行

艾師行贈黃中子 醫師行贈袁煉師

芝秀軒詞 四章 壽岩老人歌 并引

已上凡二十有六首皆謔詠一時忠

臣烈士貞女孝童仁人隱士之遺事

於太史氏之所未錄者蓋可為一代
之詩史矣其激揚世教豈小補哉復
識

鐵崖先生古樂府目錄

終卷六

鐵崖先生古樂府卷之六

金溪孝女歌

唐敬宗時撫之金溪有金銀場銀戶葛佑
者輸銀不足監官黃棟掬佑垂死佑二女
投銀冶中化銀二錠事聞遂罷銀場金溪
爲二女立廟至今血食危太樸有卷求余
詩爲賦孝女歌云

金溪石石生銀鑿石石有盡銀令無時磷昨夜銀

官下叶山頭點銀戶。葛家父無丁。惟二女。葛家父

楚。苦苦楚與死隣。二女痛父。關一身。駢首跳冶裂

焰。閻音叶裂焰焚身。不焚二女心。天慘慘。神森森。化

作雙白金。雙白金。盛龍錦。願作萬壽卮。以奉天子

飲。一飲銀鬼泣。再飲銀令寢。身一作二女

楊佛子行

楊佛子越之諸暨人。生宋淳熙光宗朝幼知事母

母病危。佛子割股肉進。母母食。病立愈。母

歿。廬墓側。恒有馴鳥集。墓樹隨佛子往返。

佛子素患瘦。瘦大如盎。道逢異人以掌訣

移之背。郡縣上孝感狀。將表其間。佛子辭

遂止。年九十歲。安陽韓性既為佛子作傳

同里陳敢復作楊佛子行

諸暨縣北楓橋溪。楓橋溪水上接顏烏。栖其下

一百二十里。合萬和水。萬和孝子廬。父墓墓上

芝生。萸楊生。佛子與萬和孝子齊。六歲懷母果

二十為母嘗百藥藥弗醫。叶啖母以肉將身割。
母病食肉起其神若刀圭母死返九土常作嬰
兒啼倚廬宿苦塊棄隔妾與妻嗟哉佛子孝行
絕人人不識感鬼神頰下生瘤大如尊何人戲
手瘤上捫明朝恠事駭妻子頰下削贅無瘤痕
背上一掌印爭來看奇痕墳頭木共白兔馴更
遣迎送鳥成群傍人竹弓不敢彈豈比八九雛
生秦縣官上申聞旌戶復其身佛子走告免稱

王臣王臣嗟哉佛子誰媿稱今之人有刃服乳
詭孝子以為名規免徭征以希其旌嗟哉佛子

誰媿稱

無瘡痕一作無留根

金處士謔

吳人金可文賢智有才藝而自埋於民衆
嘖然以處士稱之權貴人以丘園科起處
士處士絕之曰予幸有廬一區在市關可
以避風雨田一廛在郭外可以給衣食學

聖人之道可以自樂不願仕也且仕榮利
 祿隱樂真素苟以相易彼此兩乖乖而強
 合吾不能已吁處士如可文信其逸而貞
 者歟故集賢舊老相與署牒錫號曰貞逸
 會稽楊維禎為之賦詩曰

蘇州古隱君實始虞仲隱居放言中乎清與權次
 曰滌臺氏言不枝行不逞未嘗匄志諸侯前五噫
 之夫將其匹聯耕織為業不廢誦與絃亦有天隨

仙配鷓夷子理釣船去之五百年求繼者孰賢闔
 閭古城陰曰有處士氏曰金長身而美髯叶風局
 孤古古貌疎且沈家不失箴里不失任有餘推與
 人矧宵爵祿入心心關下足終南叶貧賤易屈貴
 富易淫故大隱在關市不在壑與林鳳皇不能引
 高神龍不能深叶深人呼為處士更加貞與逸號
 焉知古不如來今吾嗟今之士科隱丘復事王侯
 行無補闕言無裨謀惟祿食是媒叶詭貞而隱詭

逸而休。以爲吾人憂。放而返澗。志岳隴。羞聞處士風。其不泚然在頽。豈吾人儔。

彭義士 誦 義士元履 盱江人

八十長者新城彭。一生好義不好名。天曆飢告江南氓。官家鬻爵令新行。嗟哉我彭粟有盈。內粟不與官爵爭。豈惟內粟爵不爭。民有乏逋我代庚。之力我又代民耕。民流過門給炊烹。吁嗟爾民曷報彭。期以八百之長生。

盧孤女

盧孤女年十五。官家新條括童女。東家媒娘傳巧語。盧家郎選東床。柰郎自有婦。妾使余不當。蚤知急婚事如此。悔不官家作驅使。上堂拜姑身未知。下堂失身惟有死。歸來抱琴彈高樓。苦調不作離鸞愁。東家聘西家求。明珠火貝爭委投。河可乾石可泐。盧家女節不可勒。生作隻影蛾。死作獨根柏。烏乎丈夫腐節隨草莽。阿盧之風齊砥柱。若道錢

唐女淫苦安得有此盧家女

孔節婦

有美丈夫子。玉質長鬢鬚。自言五十五代孔子之
孫。儒其母曰陶大家。大家生兒六月餘。丈夫子即
稱孤。零丁未保麒麟雛。大家一節誓不渝。身有死
不二夫。與孤為命相噫鳴。保抱不啻琉璃珠。但願
孤長壽。堅我門戶扶我輿。天助孔胤孤無虞。五歲
解讀書。十歲能當閭。二十作賦喧三吳。竭來大家

八十踰。孤三釜。心何如。紫微相。君新下車上推先。
聖恩及孥。薦書上達天。王都承恩。婦來拜起居堂。
上鶴髮。霜顏都。煮羊擊鮮。婦當厨。里中姆。謹相呼。
孔家生兒天。與渠康之阜。曲阜俱康之。水流泗洙。
曰貞曰孝。表一廬。楊子作訶訶。不誣他日太史春。
秋書。

陳孝童

孝童名福越。之錢清人。年十歲侍母。葉病

衣不解帶母病甚水漿粒食不進口中夜
 潛出後庭泣于天曰我母病將死吾何依
 割股代藥天其從我乎股割而母已死人
 謂割股多救母童不能不亦妄譽乎予謂
 童知愛親天之無偽者也割股救母而知
 有其親而不知有其身也又豈知有名哉
 季世奸民有刃股乳規免賦徭者若童又
 豈有賦徭而為是哉割股童之天也母之

救不救亦天也予居與童鄰親覩其事可
 以弘獎風教遂為賦詩

錢清陳孝童十歲知孝母母病日以單藥餌空
 咀夜庭人不知磨刀去剔股凡兒血肉軀軀小痛
 榎槌馱識身在親慘毒至刀斧隣里聞孝童涕泗
 下如雨道路聞孝童過車式其戶堂堂士大夫結
 髮在庠序母背忍絕裾母喪亡捧土我作孝童詩
 豈惟風童孺

鍾山樂府 七
強氏母

毘陵強可事母以孝聞母年踰八袞可方以鄉拔官調轉湖州從事感事母之日短遂以侍親致事得陞承事郎浙東帥府從事由是併得封母夫人縣君今年至正戊子十一月二十三日長至適為夫人初度日也母子恩命皆以是日至故為賦燕喜詩一首俾令官歌之

強氏母毘陵人年已八十又一春強家郎未七旬
五十八官教邑民六十轉官在鄰郡大府婉畫方
咨詢守將急移檄候吏持在門強家郎捧檄告母
母欣欣一笑還一頓庭前大樹風不停孝子惜陰
寸寸勤強家郎養母素不貧食有祝鯁寢有五色
綳其肯貪天之祿一日離其親年未及致事辭檄
奉晨暉中書重爾天性真馳文箋天天不嗔賜爾
孝子七品秩緋衣始納青絲綸強氏母隨牒封邑

君一陽復爲生辰。邑官里老走先先。上堂與母千
百壽。烹羊炮豕羅鮭珍。強家母抱牒謝天恩。強家
郎百拜百舞稱雷尊。日日起居太夫人。項間壽帶
日見雙條文。眼前離立五世之兒孫。強家母壽無
匹。榮無倫。見孫一作諸孫

蔡君俊五世家慶圖詩

蔡家肉譜繇司徒。西蜀蔓衍雲間居。胡笳一洗怨
女孤。世世解讀中郎書。傳家五葉忠孝俱。鬱葱佳

氣無時無。有母有母徐卿徐。生兒衮衮麒麟駒。檜

岩

君俊父

老仙老不枯。巖前雙桂雲敷腴。繡輿從以

斑斕裾。或拜或立或步趨。登堂好弄如群魚。中有
一人美且都。柏垣成陰返慈烏。平反一笑堂上娛。
春衫初試如舞雩。樵青漁童侍兩隅。坐中有客皆
鴻儒。晴簾花吹引香篆。午窗竹雨鳴茶爐。不知人
間有金屋。弱海之外為蓬壺。只今諸孫稅綳襦。文
采箇箇成於菟。玉階清夢追爾祖。種德政與槐陰

符太夫人在錫冠披曾玄滿眼紆青朱紆青朱賸

買丹青添画圖

肉譜或作內譜
稅棚或作脫棚

鐵面郎美趙御史也

鐵面郎不願白玉堂願着錦衣裳上明天耳目下

見人肝腸江南使者欺天隱黃金車馱實虛牝忽

焉青天近天目峰前見秋隼父老出郭門焚香拜

使君使君天上斗斟酌元氣成冬春成冬春立皇

紀董狐已脩三國史柱下惠文須出理江南駢行

且止萬一讒邪塞天耳手持堯時屈軼枝獨立殿

前言國是鐵面郎真御史

奉使譎美答理麻氏也

至正乙酉天子遣天下奉使凡十二道三

十有六人偉兀氏答理麻在選中巡察西

川司臬吏舞法首擊治之方面貴臣有驕

而弗諛者亦糾詰之時政梗民必思痛豁

去如鯁在咽必吐乃已彼不答理如者如

工尹商陽之兵殺三人以為不如是不足
以反命事不幸類此而況生殺者皆不當
法乎此西川使者之可訝也

皇帝五年秋皇華遣使行九州皇明明見萬里外
猶恐陰曠生蜉蝣奉使代天明四目達九幽假天
喜怒私恩讐欺皇明是非一逆海倒流其中答理
子西邊托週遊西邊有鳥其名為休留復有老狐
九尾而九頭扇妖作恠呼匹儔朕我赤于血上蔽

十二旒力大泰山不可拔答理子一觸泰山拆之
如不周鳥乎漢有張綱衛有史鮪元有答理足追
前猷太史筆不貶褒我作歌詩繼春秋

春草軒辭

毘陵華孝子幼武六歲而孤善事其母以
純孝聞嘗自取孟郊游子詞名其所居軒
曰春草予為體游子意賦春草詞

春暉庭下春雲暖春草軒前草長短中有百歲宜

男花一色青蚨綴枝滿青蚨子母生死恩草有靈
 芝生孝門春暉照人春不老芝草闌干芝有孫當
 時夢生芝草綠瑶草琅玕栖別鶴孤兒日長草忘
 憂錦綉護兒如護玉春菲菲草油油千金駿馬五
 花裘吁嗟兒子母好遊銅駝陌上春風愁草萋萋
 春果采遊子歸來在遠道堂前何以報春暉身上
 春袍照春草

瑶草一作瑶圃

萱壽堂詞

為海漕府經歷孫仲遠作

孫家高堂風日好堂前祗樹宜男草孫家阿婆昔
 宜家今日宜男復宜老香霧濛濛吹繡輿花雨斑
 斑上文襟阿婆之年八十深一作今五鸞恩誥封泥
 金孫家郎惜寸陰把萱酒為萱吟易搖千歲風前
 木難報春暉寸草心

傳道人歌

并序 一作傳劄子歌

御史幹勒允常為余道傳道人事道人字
 隱陽朔人也性勇獷壯年無所用其勇遂

執硃質之役於刑部會河南有以註誤繫請室者若干人道人獨明其非辜不忍陷死地且加存卹未幾赦出之皆誥道人所謝再生之年其殺人之中又有仁義類此積勞當得九品官一旦棄去遇異師於關陝間與之語有悟素不識書即能賦五字詩道其所脫然者後遂入嵩山不還者十年父兄妻子莫知其所如往今隱居洛陽

三井洞株坐不出好事者往候見之訖無一語吾子爲古詩文喜錄奇事若道人者亦一奇也且道人約余三年後當見予洛城之東事果當以吾子之作遺之余讀宋史知李芾忠烈之助亦一劖手耳其可以五百例賤其人乎若隱易者既勇於敢而殺又勇於不敢而無殺脫退其役而進道於黃冠者師非其以執術爲不是而訖善

復其性者歟故為作歌一首復御史云

祈連山人天骨奇十五能運耒屠椎二十報仇許
人死殺人不數舞陽兒鄉里不能容官府不能治
猛氣奚所托仗劍歸京師京師殺柄司秋官假爾
爪牙虎豹關今日尸一逆明日誅一姦朝食悖臣
膽莫食凶人肝龍蛇見血性忽改鳩隼化質身無
難尋師度關陝棄家入嵩山只今啖松久辟穀劍
埋三井飛精服能懸彌明石鼎句能和商顏紫芝

曲客來啓關不一語但聞鼻息聲滿屋烏臺御史
知金公群邪膽落稱人雄囊封事畢志即東穀城
丈人有前約三井洞前尋赤松

留蕭子歌

留蕭子草衣儒居無室屋出無驢十年落魄走吳
下一日奮迅遊天都自言袖有黃帝書淮荒海盜
及吳租大臣不諱省中木法官交譏臺上烏草衣
言事不畏死請劍欲斬崔司徒

洪州矮張歌

洪州矮張道人術流之奇士也其術出國
 初李國用國用又出於德長老不苟干貴
 人即見貴人不苟佞不仁者規言之無隱
 推其人以占其家及其子孫之凶慶皆奇
 驗若神輕財解難有古義士之風余客西
 湖大禹觀而道人來寓與余鄰時過談天
 下事非今之豪傑所能及也且欲授術於

予予謝未暇歌以送之

洪州矮張如矮瓠大帛深衣沒雙屨自言矮瓠不
 食酒惟貯先天九宮數蚤年俠氣慕朱鄣輕財屢
 倒千金橐得道人疑李士寧滑稽時放東方朔雙
 瞳注射金蟆精口如急雨傾建瓴卒然一語中人
 隱王公錯愕面發頰烏乎王謝誤蒼生天下烏用
 爾寧馨居中可乏汲長孺使邊須用蘇子卿我本
 先皇賜進士十年不調錢塘市宦程那敢問雄飛

國法新蒙脫胥靡西湖西南山南水華落日清而
酣画船載酒遁名姓三尺長喙金人絨嗟乎五鬼
賊三屍讒矮瓠矮瓠無多譚

秀州相士訶

秀州相士薛氏見心者拜余笠湖上首出
句曲外史自贊一首及縹冊一帖且禪其
言云持此以見梅花道人道人技癢當為
汝歌歌訖然後乞其奇文章予為嘖然大

笑既為賦歌詩一解又如其志書梅花道
人傳一通俾東歸以復外史

秀州相士薛見心重湖風雨來相見手把茅山道
人詩亦有胡僧寫東絹自云膝不拜公卿海內名
人初入卷縹綾方冊錦盤囊首錄梅花道人傳道
人不讀姑布書兩目看天走青電梅花忽露太極
心南枝北枝開一遍秀州相士亦識道一笑求心
符鍊券章生不相一隻眼桑生不相一尺面貌如

削瓜帝治開背如植鱗王業建君不見漢家將軍
如牯腰午夜臍燈照悲吟一隻或作一雙

禽演贈丁道人

令威仙人歸故林白晝飛下天門深一千年人忽
作鶴二十八宿皆為禽俛頭垂翅聽驅使走報禍
福不敢諳南方朱鳥獻奇狀部領其屬來駸駸毛
鱗羸介各異態肖像妙合天地心翩然謝客欲高
舉便恐滅迹丹霞岑東州名山指華頂碧天倒墜

青瑤簪人間華表或可擬馭風時復來相尋

冶師行

贈緱氏子名長弓太湖中人與余鑄鍊笛
者也通文史又善鑄鐵冠如意自云將鑄
湖心鏡求余詩歌之云

湖中冶師緱長弓有如漢代陶安公七月七日與
天通朱雀飛來化青童且莫隨仙踏飛鴻道人鐵
笛已在手鐵冠八柱凌喬嵩皇帝一統誅羣凶猛

士干將無所庸還微上青子天上裨重瞳江心火
電流赤虹雲凝霧結愁蟠龍

艾師行贈黃中子

艾師艾師古中黃肘有補注羽堂方籠有岐伯神

鍼之海草

岐伯遺針於海島岸生
艾草他艾十不及一

篋有軒轅洪爐

之燧光

灼艾禁木火火
鏡火珠取火付

鍼窠數穴能起死一百七

十銅人孔竅徒紛厖

華陀鍼灸
不過數處

三椎之下穴一雙

二豎據穴名膏育百醫精兵攻不得火攻一策立

受降金湯之固正擣穴快矢急落如飛鶴梅花道

人鐵石腸昨日二豎猶強梁明朝道人步食強風

雨晦明知陰陽老師藥券不受償何以報之心空

藏施藥勝施羊公漿會有仙人報汝玉子成斗量

醫師行贈袁鍊師

大茅先生上天司死生每歲考技月之二目為嘉

平至今華陽有仙會會則鬼獸叫嘯丹光明上帝

又聞其人之枉死必生仙醫有如貞白者代居山

中抃愚氓自從貞白上仙去杏林剪伐橘井夷溝
坑越七百歲乃有袖雲氏弱冠學道朝天京天子
問道賜爵秩師拂衣去還山自吹鸞鷁笙不燒丹
不辟穀不食日月精不役罡訣甲與丁人有奇疾
弗能名鬱如病草無勾萌師一視孿者伸瞽者覲
跛者行問之無呔咀之劑鍼石之兵惟有日兩炊
鉢折足鐺乃云太上親傳一管筆三軸經無憂祖
師傳至我我奉行之無足驚吾聞上古俞跗善療

疾不施湯液尚須皮毛解剝淨洗五藏腥如何三
經一筆乃爾靈人報以金擲之如瓦礫以蕪售欲
豈比長安清亦何必隱居辛苦註草經嗚呼人生
喜怒悲樂病易成須髮日槁為星星便從鍊師乞
漿啖火棗青華定錄共見茅君盈

日兩或
作日用

芝秀軒詞

東倉馬君瑞以芝秀名軒虞學士集為書
其扁李著作孝光為之紀復求歌詩於余

故為賦騷詞四章

芝秀子煌煌羅生子滿堂紫雲困子如蓋露湛湛
子沐芳美夫人子賢姱集靈瑞子未央

又

芝何為子為秀匪植以生子匪培以茂協冲和以
華滋子食之而壽

又

山嵯峨子谷逶迤歌紫芝子吹參差懷美人子不

可以追

又

鐵之涇子鳳之沼思公子子善窈窕善窈窕子樂
康聊逍遥子歲年老

壽岩老人歌

壽岩老人者吳興欽先生德載也老人仕
宋為都督計議官宋革老人奮義兵不宥
送降款天兵募生致其人義其言議而官

之老人列其板授言即遁隱長山之石岩
 石生冬青萬年之枝老人遂號壽岩又自
 志以文去老人之死四十年其孫驥出其
 手澤求余歌之

壽岩老人宋都督不肖新朝食周粟水晶國裏七
 寶山別有天地非人間山中黃石眠怒扁圮上傳
 書曾有語歸來牧羊尋赤松萬年枝上盤冬龍冬
 龍萬年與石闔老人一杯持自壽煉石未補天南

孔叶坐見瀛州生軟紅嗚呼壽岩之人元不死
 南斗化石齊崆峒

題鐵仙人琴書真樂窩 附錄李孝光所作也

舉世之樂無如鼓琴琴可以禁人之邪心易人
 之哇淫舉世之樂莫如讀書書可以絕小人之
 狹邪履君子之坦途世人為樂千種  不如我
 樂長可保彼有嗜酒樂飲逢毒若醜醜妻謹虞
 自令身枯溺心偵殖為盜賊積崇勢凌人鬼神

斷嗔蚤官驕子疾為禍首或世所樂自詭神仙
 累萬人學無一長年有樂放恣毀除須髮捐棄
 父母終竟不覺有察於獄謂俾不憊性習浸移
 久而泰甚凡此眾樂豈不可懷不如我樂無患
 與菑鐵仙左琴右書傳終日危坐笑以哈忽見
 吾詩仰天歌鐵仙豈不大樂哉

鐵笛歌為鐵崖賦

附楊先生所作後

鐵崖道人吹鐵笛宮徵會嚼太古音一聲吹破

混沌竅一聲吹破天地心一聲吹開虎豹闥形
 庭跪獻丹宸箴問君何以得此曲妙諧律呂可
 以召陽而呼陰都將春秋一百四十二年筆削
 手譜成透天之竅價重雙南金掉頭玉署不宥
 入直入弁峰絕頂俯瞰東溟深玉網正統著高
 論唾彼傳癖蕪書淫時人不識我不厭會有使
 者徵球琳具區下漫三萬六千頃之白銀浪洞
 庭上立七十二朶之青瑤岑莫邪老鐵作龍吼

丹山鳳舞江蛟吟
勗哉宗彥吾所欽
赤泉之盟猶可尋
更吹一聲振我清白祖
大鳴盛世載賡阜財解愠南風琴

鐵崖謠為鐵崖仙賦

附錄雲間錢鼎作也

鐵崖仙人冠鐵冠
錦袍不著衣
緇寬棄官流蕩山水窟
胸中竒氣蛟龍蟠
手持鐵笛竅有九錚錚
三尺青琅玕吹之竒聲絕
人世抑揚悲壯凌雲端
鐵崖山高高百丈
片片吹落梅花寒太湖

老漁狎唱清江歌
仙人側卧吹回波
七十二峰翠鸞舞
大雷小雷走深渦
君山弄最竒絕一聲草木摧
兩聲山石裂三聲蜿蜒躍
波起四聲卷海作飛雪
五聲山嶽盡動搖六聲百鳥皆噤舌
七聲吐氣成虹霓
霓搏桑枝上金鳥啼
八聲射光斲牛斗
丹桂枝邊玉鏡吼
九聲十聲迸銀河
鬼神股慄天嵯峩
何鼓輟瓊耜天孫停玉梭
九重震疊開蕩蕩
帝閨驚定忘撝訶
鈞天大人側耳

聽口勅仙吏旁搜羅分甘吹笛樂吾樂芒屨嬾
 上金鑿坡仙人仙人鐵石腸引喉噴鐵金琅璫
 中通外竅直以剛鏤卸善鳴愁鳳皇底須截竹
 岷崙岡願將鐵崖壽鐵笛後天不老凋三光

鐵崖先生古樂府卷之六

鐵崖先生古樂府目錄

卷七

㊦ 堠子辭

㊦ 鍾藤辭

㊦ 醴泉辭

㊦ 冰水辭

㊦ 臬蘆辭

㊦ 龍虎辭

㊦ 狗馬辭

㊦ 鷹馬辭

㊦ 鳳鏘鏘

㊦ 鶴蹻蹻

㊦ 五禽言

五首并引

㊦ 歸鴈吟

兩鵜鴣為顏氏賦 匹鳥曲

鮫人曲 義鴿 三章 并引

警鵬 三章 射罍行

鬪雞行 殺虎行 并引

白翎鵲辭 二章 佛郎國進天馬歌

已上凡三十首皆先生涉歷世故有
慨于衷多託於鳥獸草木以起興者
諷者得其旨則勸善懲惡蓋亦不無

補云復識

鐵崖先生古樂府目錄

終 卷七

鐵崖先生古樂府卷之七

堠子辭

堠子箇箇復箇箇十里五里官道課行人捷徑行
不從官道過吁嗟堠倚岐轉多堠子荆棘如銅駝

鍾藤辭

南有美木鍾藤束叶只鍾藤日肥美木削只於乎
孤剗柔惡斃之甌操斧斤為我理之

醴泉辭

醴泉子無源靈芝子無根如何求俟子而欲求乎
人門

咏水辭

咏水可以尋珠商丘射石可以飲羽李廣乃知一

心之人子遇物而無迂

梟蘆辭

梟徙而不成鳳子蘆種而成荻此智者之操心子
矣降同乎受敵

龍扁辭

檻足子虎成狗燒尾子魚作龍得勢失勢子而以
分乎雌雄

狗馬辭

狗有烏龍子馬有的盧的盧狗至子烏龍食奴於
乎交之借子無解孤之託子無嬰吁嗟烏龍子狗
之解吁嗟的盧子馬之嬰

鷹馬辭

鷹使司漏馬使警偷減者守杼獲者運牛彼此職
廢空抱主憂君不見薛恭尹賞各有所兩地一易
俱稱優

鳳鏘鏘

鳳鏘鏘求其鳳凰既得不復念母將不如城頭烏
日日夜夜哺母與母翔

鶴蹻蹻

鶴蹻蹻乘君軒肉蔽重不復戾九天不如地上雞

乃得竊藥隨飛仙

五禽言 并序

禽言無出梅都官之作予猶惜其句律佳
而無風勸之意故予製五禽言言若拙而
意頗關風勸焉

喚起喚起東方明門前已如市上林有鳥殺司晨
苦殺蕭娘睡方美

提胡盧提胡盧沽酒何處沽烏程與若下美酒高
無價小姑典金釵勸卽醉卽罷君不見城中官長
壺盧提十日九日醉如泥

又

姑惡姑惡姑不惡妾命苦姑有孝女姑為慈母妾
亦甘為東海婦

又

子婦子婦子不婦白頭阿婆慈且悲子弗婦待何

時君不見西江處士章九華十年去赴丘園科屨
死妻啼未還家

又

行不得哥哥我不行奈我何西山有豺虎西江有
風波風波尚可壺豺虎尚可羅努兒關平地多行
不得哥哥

歸雁吟

江南荷葉黃見爾來江鄉江南春水暖歸路同天

遠春復秋秋復春南來北往多苦辛
漚為友鷺為鄰他山鷓鴣好結婚
只往江南生子孫

兩鵲鵠

為顏氏婦賦

兩鵲鵠朝朝暮暮啼不休
天陰婦棄去雨止還相求
天公陰晴變不測嗟爾夫婦難為述
勃勃水西頭啼過東家樓
東家樓前琅玕樹枝枝連理森相
樛無風無雨春正好願爾長作鴛鴦儔
莫効前身鷹隼仇

匹鳥曲

建章宮中匹瓦飛
太液浮起雙紅衣
文塘小徑迎春歸
春紅蓮葉春猗猗
金丸嬌即故驚起
白頭雙飛誓雙死
上林鴈婦忍流離
九疑悵悵天萬里
長干沙頭人望夫
願託錦領西江書
結生不作白頭伴
結死須作青陵鳥

鮫人曲

鮫人居錢塘湖
自從劍客過湖去
世人不識真仙

儒靈丹擲湖水湖水清如酤江妃惜不得貯在明月壺鮫人夜飲明月腴夜光化作眼中珠手擎蓮葉盤一株盤中走珠汞不如世人無僂意波心蕩漾青頭鳧烹龍炮鳳日日千金厨何以洒君心熱寧君軀洒君熱寧君軀須飲鮫人明月珠

義鴿三章 并序

予讀康里相家義鴿志為之喟曰嗟乎通文史如衛仲道妻而有不鴿如者彼忍於

不義不忍於死爾菽爾鴿非有倫理之教詔也又豈識有一醮終身之義乎而托以死荅所配非其所惡有甚於死者乎於乎人之所以異於禽獸者義爾而義反滅之則物性反優於人乎嘻吾不知之矣抑予聞鴿之不止義也養其子也鴿鳩之仁其託書也鴿鴈之信爰賦三章以補前人之缺云

蕭蕭子飛奴好爾匹子哺爾雛吁嗟爾德子均慈
愛於鴉鵠

右一章

蕭蕭子飛奴離爾儔子別爾家

叶姑

吁嗟爾勞子比

鴻鴈子將書

右二章

蕭蕭子飛奴歛相失子婦夫死者子已矣生誰適
子與娛朝不粒子無與呼莫不室子無與居豈無

他儂子我儂不如閹七日以死子矢一節而弗渝
吁嗟爾烈子繼比興乎關雎

右三章

警鵠三章

吁嗟乎鵠來子汝趾不爪子臂不翎橫口堅齒長
眉目子曾不鈎吻而金睛胡為肆攫搏子勇憑陵
稱人類子負鳥名吁嗟鵠子反已靈庠序汝鄉子
衣冠汝朋

又

橫翔倚舞予群笑以囂陰窺狙伺予風草動搖嗟
爾醜予不可以招讐一獮予將汝臬上或悟予下
或憍隔截鸞鵠予愁青霄吁嗟鵬予逞爾豪擊剛
者怠予與爾乎同遨

又

貞柏蒼蒼予烏府初霜寒氣襲龍予阜鵬在倚匪
汝朋比予伏陰紆陽扶豎正直予不茹吐其柔剛

鸞鳳遠舉予臬獍云亡吁嗟鵬予不改行收汝族
予磔以禳

此先生在天台喻其豪民未率化之作
也今其人有更名改過求自列於善民
以一洗舊日赤書其門之醜故曰詩可
諷也

射羆行

草枯燎發原野赤老羆憤起千軍敵將軍名號巴

而思名虎白羽慣數黃狼肋老羆決石如怒猊將軍
立馬攢霜蹄滿弓一射正貫脾馬前突立人而啼
南山白額當道卧東西之人不敢過少年匹馬隨
譟呼從渠生拔白額須剗白額作飯器坐令泰山
之婦歌好世

鬪雞行

兩雄勇銳誇匹敵老距當場利如戟
毳毳毳毳刺張怒咽硯礪嗔睛碧劍心一動碎花冠口血相

汚膠綵翼何當罷鬪作啼聲埭上梨花春露滴

殺扁行

劉平妻胡氏從平戍零陽平為扁擒胡殺
扁爭夫千載義烈有足歌者猶恨時之士
大夫其作未確故為賦是章

夫從軍妾從主夢魂猶痛刀箭瘢况乃全軀飼豺
虎拔刀誓天天為怒眼中於菟小於鼠血號虎鬼
冤魂語精光夜貫新阡土可憐三世不復仇泰山

之婦何足數

白翎鵲辭 二章

按國史脫必禪曰世皇畋于林柳聞婦笑甚哀明日白翎鵲飛集幹朶上其聲類笑婦上感之因令侍臣製白翎鵲詞鵲能制猛獸尤善禽鴛鴦者也舊詞未古為作白翎鵲詞二章以補我朝樂府

白翎鵲西極來叶金為冠玉為衣百鳥見之不敢

飛雄狐猛虎愁神機先帝親手鞬重爾西方奇海東之青汝何為下攬草間雉兔肥奈爾猛虎雄狐狸

又

白翎鵲來西極地從翼旋山目側邊風勁氣勁折膠村官猛箭與之敵黃狼紫兔不餘力須臾白雪輕一舉千仞直駕鴛鴦洒血當空擲金頭玉頸高十尺千秋萬歲逢玉食

佛郎國進天馬歌

天馬歌本古樂府車馬六曲之一也漢郊
祀樂歌亦有之然漢之得天馬或出於漢
貳師將軍之代宛非德徠之維我有元至
正聖人德被西裔而佛郎馬來宜作歌章
光贊樂府故作此歌

龍德中元氣昌天王一統開八荒十又一葉治久
長前年白雉來越裳中國聖明日重光仁聲馭杏

動嘉祥烏栢部族號佛郎實生天馬龍文章玉臺
啓閭闔張願為蒼龍載東皇瑤池八駿若有亡白
雲謠曲成荒唐有元皇帝不下堂瑤母萬壽來稱
觴屬車九九和鸞鏘大駕或駐和林鄉後車獵俟
非陳倉帝乘白馬撫八方調風雨和陰陽泰階砥
平玉燭明太平有典郊樂敷尚見滎河出圖像麒
麟鳳鳥紛來翔

鐵崖先生古樂府卷之七

鐵崖先生古樂府目錄

卷八

覽古

四十二首

已上凡四十有二首蓋迹太白之覽
 古少陵之遺興而作也雖事關史斷
 而中有詩法存焉作古詩者其可無
 學乎復識

鐵崖先生古樂府目錄 終 卷八

鐵崖先生古樂府卷之八

覽古

晉師納天王大義白日披尹固附孽子奉籍奔蠻
夷道逢秋郊婦三歲爾大期三年尹固死婦言如
著龜

又

出姜笑過市呼天天實聞市人皆涕下魯賊當誰
分出姜不□魯麟筆誅其君

又

秦穆飲盜馬楚莊忘絕纓齊景息一木觸槐有淫
刑婧女告齊相稱說辯且正明朝拔槐令婧婦脫
因名

又

單父七絃琴為治務感興十金南門木立令務必
行單父有成效夜漁若嚴刑南門能徙木不能徙
民情以此知巧信不如拙而誠

又

韓厥戮趙僕不以私害公後人援此義往往為逢
蒙曲逆不肯本事主可移忠偉哉劉公論呂布真
難容

又

應侯刻薄人須賈得無死飛將殺霸陵狼狽不足
齒如何画眉郎五日殺掾史

又

齊相善求治議論人人殊蓋翁本黃老一語蓋有
餘諸儒不足聽醉吏自足呼醉吏獄不擾諸儒多
訴狙

又

恭儉漢天子取士忌少年未應絳灌徒廷中官妨
賢徒為宣室召復有長沙遷不見馮都尉唐龐眉
竟誰憐

又

田毋作魯相王不敢遊田痛愧取民物償以中府
錢漢人重長者長者豈非賢

又

任安與田仁同仕將軍門廝養惡齒馬實坐貧失
身發憤騎奴席拔刃徒自分不會趙少府何時別
奴群乃知聖賢仕端不與賤貧

又

郭解本大俠睚眦殺人威當其出邑屋獨不殺倨

鍾虞樂所 三
夷屬吏脫踐更卒感肉袒來此事實近道可以俠
少之

又

漢廷古遺直免官歸田園已聞御史奏嚴李有飛
言嚴助李文矯制獨無罪加冠禮終存誰謂淮陽召淮
陽為寡恩

又

出關棄繻子南征笑狂生左右無黃髮淫夫挾之

行戮殺漢使者君臣起大兵尉他羈漢綬何曾請
長纓

又

成都賣卜士大易先天心弟子一區宅桑榆有餘
陰何為天祿閣忘身幾陸沉門前載酒者奇字時
相尋為謝門前客從今傳酒箴

又

子陵江海客本非沮溺倫仁義立奇論豈果忘吾

民狂奴作故態飄然歸富春客星犯帝座太史奏
天文故人信符讖三公等浮雲

又

武丁夢良弼審象極冥搜光武思故人物色在羊
裘彭城有處士君恩賁林丘股肱不為用顏色徒
相求

又

華卓劫慈明荀爽次以及伯喈蔡邕子龍獨何人由屠蟠

談笑却嗻嗻高視梁碣上片雲卷而懷古來高世
士塵埃豈能埋

又

襄陽有高士生產不曾治何以遺妻子鹿門有深
期籍籍齒牙論龍鳳名諸兒諸葛拜床下可是此
橋師

又

孔公薦一鶚義烈爭秋霜矢心報知己討賊尊天

王漁陽操英憤夫豈病悖狂營門三尺椽音殺氣
披挽搶

又

會稽嵇叔夜才氣浩不群平生癖於鍛餘好在琴
尊不如一長嘯攜琴學蘇門可憐廣陵散竒弄今
無聞

又

汝南許文休喪亂一駕士敢當諸葛拜合受玄德

鄒士論推指南無乃失臧否乃知郡公曹排擯有
公是

又

知子石司徒分材斬齊奴諸仲財不如財窮東市
誅吁嗟石司徒知子良不愚

又

洛陽輕薄子挾彈走春嬉結交金谷友諂事賈午
兒蔑棄慈母訓乾沒不知幾感已賦閑居猶以拙

自悲

又

彈琴戴安道焦桐破奇聲
蔚宗與文季俱以琴自
鳴天子不得屈王公不能
聆獨怜褚司徒銀柱老
齊伶

又

我愛王懷祖面壁售人罵
不比少掾時瞋目谷米
價編中頓有容坦之詎能
過栢栢大將軍漢業在

出跨

又

青青五柳宅貧無三徑資
玄叅建威幕為貧良亦
非彭澤八十日胡為遽來
歸乃知決然逝非為鄉
里兒首惡王休元酒亦無
所辭華軒欲載我我心
詎能違

又

王湛蓄深器世人不能窺
大慧實若愚人遂以為

瘼可憐濟父子同門不識之何況隔千里而欲求人知

又

義之在東床風操夙所稱藍田譽轉重胡乃意不平出弔曲在我反惡固其情以此悻悻死無異匹

婦輕

又

韓信卜母地旁置萬人廬鄣公卜隣水長洲偶成

墟千秋揚子寔投棄同江魚裸髮何為者厭魅開
籊籊歛借神丁火焚却青囊書

又

郭曆精術數知晉必亡秦逃秦遠歸晉追兵殺亡
臣洛陽牛背叟讀書孝其親涼州未經破先歸忽
如神術人不靈已括士固全身

又

騷雅去已久宮體爭哇淫洛陽風一變枳性隨人

心鄉關思蕭瑟作賦哀江南叶調入金釵臂亡國
有餘音

嘗疑王孝子素履朴且莊門生服縣役徑行想不
揚孝子躬饁具磬折在道傷門生役已脫詭道由
此行

又

鄭州跛男子婁師德識者惟客師袁客深沉有客量

不為同列知唾而戒其弟俛世一何卑君看白水
澗洙額宣駕資

又

世疑狄文惠不知婁師德婁公吾不賢此意人未
識古來嫌忌間吾道憂比迹

又

開元劉神童名字瑞一時文學不濟世鞭算競刀
錐招權啖士口使不得有訾任數不任道興利固

如斯

又

小兒賀季真棄官亦棄宅遠謁王道者去問術黃
白何物袖中藏去道萬里隔

又

嚴家兒八歲殺父姬嚴家父稱奇養成虎豺惡腐
儒弄扁髭嗔吁豺扁天早斃七十慈親免官婢

又

姚家有裨將腰佩雙青萍青萍夜脫匣忽殺程務
盈為書報殺狀伏劍隨自刑吁嗟古義士豈復數

荆卿

又

厚施而薄望郭解愧朱家大唐郭氏子
奸邪賻金四十萬主名不知夸結客豪俠場此客

實無加

又

昨日滿頭花堂上爭春妍今朝大風起花落玉律
園舊地易淮陝取馘諧戎門可憐於期首不謝永
州魂

又

東人送降款西人納降城長沙李太守誓死城不
盟高樓一舉火老穉同焦冥

又

要離燕妻子大盜空古名峩峩南山光耀日月

青婦義終一醮臣道無改更寧戴一天死不載二
地生尚憐廣西弟有愧顏家兄

鐵崖先生古樂府卷之八

鐵崖先生古樂府目錄

卷九

城門曲

烽燧曲

關山月

飲馬窟

劍客篇

俠客詞

放麇詞

牧羝曲

摘瓜詞

桑陰曲

貞婦詞

朱厓令女

❀ 姐已圖

❀ 三閣詞 四首

❀ 雌雄曲

❀ 連理枝

❀ 朱邱曲

❀ 高樓曲

❀ 玉蹄騶

❀ 珊瑚鞭

❀ 浣女詞

❀ 續婦詞

❀ 織婦曲

❀ 商婦詞 二首

❀ 清塘曲

❀ 春波曲

❀ 采蓮曲 二首

❀ 楊柳詞 二首

❀ 寄春曲

❀ 賭春曲

❀ 玉鏡臺

❀ 回文字

❀ 生合歡

❀ 纜船石

❀ 望鄉臺

❀ 乞巧詞

❀ 聞鴈篇

❀ 繫馬辭

❀ 買妾言

❀ 續絃言

❀ 婦客誤 二首

❀ 自君之出矣 二首

❀ 吳子夜四時歌

❀ 屈婦詞

⊗新來子

⊗同宮子

⊗陽臺曲

⊗蘇臺曲

⊗邯鄲道

⊗昭陽曲

⊗團扇歌

⊗白頭吟

⊗銅雀曲

⊗綠珠辭

⊗焦仲卿妻

⊗小臨海曲 十首

⊗桂水五千里

四首

已上凡八十首為古樂府小體間有

串史斷於此興者尤古詩人之難也

國風好色而不淫小雅怨誹而不亂

兼之者此詩有焉復識

鐵崖先生古樂府目錄

終 卷九

鐵崖先生古樂府卷之九

城門曲

諜報越王兵城門夜不高孤臣睛不死門月照人青

烽燧曲

聞道驪山下西戎已結兵美人方一笑烽火不須驚

關山月

池
月出關山頂將軍鼓角悲漢皇今夜宴影落素娥

飲馬窟

鳴
長城飲馬窟飲馬馬還驚寧知嗚咽水猶作寶刀

劍客篇

軻
昨夜征西去西兵盡倒戈丈夫學劍術何用効荆

俠客詞

頭
未許同文死全身報國仇太阿飛出匣欲取賈充

放麋詞

揚
母麋急麋子獵父視如傷太子奔城父千秋憶奮

牧羝曲

老羝何日乳歸雁忽能言不逐虞常死丁零尚有

恩

摘瓜詞

黃臺八瓜熟瓜熟徒絲絲惟有大瓜好狐來瓜已

穿

桑陰曲

妾自夫君戍桑陰路不通將軍哮似扁少婦竊秦

宮

貞婦詞

皎日常持信倉皇不改真君王符不到水長漸臺

傾

朱厓令女

關朱爭兩死兩死獨誰當關吏不垂泣青天應雨

霜

如已圖

小白羊頭血新圖入漢庭宮中雙燕子齊作牝雞

鳴

三閣詞

江南龍虎氣樓閣照金銀望見長安道不知塵汗
人

又

璧月幾時缺玉枝幾時枯閣中連理伴夜咲素娥

孤

又

昨夜韓擒虎將軍奏凱回井中人不死重帶美人

來

又

脂塘乾辱水璧月破清秋五佞誅新國江郎尚黑

頭

雌雄曲

妾夫曉出塞妾夜馳孤忠誓作下將劍一死雙雌

雄

連理枝

主家連理木昨夜一枝零野藤沿別樹相託萬年
青

朱邨曲

朱邨連雲起高甍蔭大達要賢能置驛獨覓鄭當
時

高樓曲

高樓有獨婦白晝彈空桑門前誰下馬不是五樓
唱

玉蹄騶

銀腦玉蹄騶金鞭問妾家窓開桃葉渡小艇在荷
花

珊瑚鞭

儂出青桑下郎來淶水邊相看成自語馬脫珊瑚
鞭

浣女詞

處女溪邊浣使君溪上遊使君來乞飲瓢棄在沙

頭

續婦詞

蟋蟀入秋堂青缸夜未央
李吾今夜惡東壁滅餘光

織婦曲

此曲暗用晉謝幼輿折齒事

梭
盈盈白面娥新絲織扇羅
當機不應客擲地碎金

商婦詞

水
蕩蕩發航船千里復萬里
願持金剪刀去剪西流

又

家
郎去愁風水郎歸惜歲華
吳船如屋裏南北共浮

清塘曲

相值清塘道儂家似沫鄉
清塘無限好相約采芳

唐

春波曲

家住春波上春深未得歸桃花新水長應沒浣花磯

采蓮曲

東湖采蓮葉西湖采蓮花一花與一葉持寄阿侯家

又

華
同生願同死死墓清冷注下作鎖子藕上作雙頭

楊柳詞

楊柳董家橋鶯黃萬萬條行人莫到此春色易相撩

又

塘
長條一丈長長侶紫絲韁長條輓易斷五馬過橫

寄春曲

春從天上来幾日到章臺憑語青青柳飛花莫浪催

賭春曲

鬪草歸來後開筵又賭春堦前撒珠戲獨是得雙人

玉鏡臺

郎贈玉鏡臺妾掛菱花盤安得咸陽鏡照郎心肺

肝

回文字

芳題工織素遠意重斂綃應織辭家久回文字半消

生合歡

朝作生合歡莫作生離泣安得並蒂堅堅侶七姑汁

纜船石

江邊纜舟石纜解不留痕長恨蕪萍草難同結縷
根

望鄉臺

望鄉臺上客秋至望鄉關中原遮望眼可柰燕支
山

乞巧詞

天上星重會征西客未歸殷勤乞方便靈鵲度人
飛

聞雁篇

樓頭聞過雁隻影不成雙一夜狂夫夢相隨到九
江

繫馬辭

誰繫西枝馬馬嘶花亂飛亂飛渾自可莫遣折花
枝

買妾言

買妾千黃金許身不許心使君聞有婦夜夜白頭

吟

續絃言

麋角煮為膠續絃絃在弓擔將絃上箭不射孤飛

鴻

歸客誤

夜聞歸客騎玉轡鳴匣嚏喚婦開西窗秋風響桐

葉

又

江頭初一潮還從午時起奈何蕩子心相期不如

水

自君之出矣

自君之出矣燕去復燕歸思君如荔帶日日抱君

衣

又

自君之出矣草青復草黃思君如魚鱗日日守君

房

吳子夜四時歌 初劉琨體作

麴塵波欲動紅心草已生朝來夾城道流車如水

行

又

睡起珊瑚枕微風度牒廊夫容最高葉翻水洗鴛

鴛

又

秋風吹羅帷玉郎思寄衣多情雙絡緯啼近妾寒

機

又

樺煙噓席暖不知寒漏長朝來玉壺冰為君添衣

裳

屈婦詞 又名北郭詞

瓜田不納履北郭招讒汗覆釜重開日宮中殺破

胡

新來子

君王有隱疾揜鼻即生嗔何處新來子樊姬不妒人

同宮子

同宮一相見不用画蛾眉井上芙蓉怨江蓮共一時

陽臺曲

月落望夫山高臺十二鬟楚宮多妬女雲雨夢由還

蘇臺曲

吳王張高宴臺下閱犀兵高臺三百里不見越王城

邯鄲道

忽見邯鄲道千秋萬歲哀君王金不惜應築望鄉臺

昭陽曲

美人初睡起內史報蘭湯散盡黃金餅無尋赤鳳

皇

團扇歌

團扇復團扇秋風不相見
隱顯各有時陽阿舞雙

燕

白頭吟

長夜白頭吟新絲理故琴
莫將一日意誤結百年

心

鉅雀曲

帳中歌吹作玉座翠簾
曛西陵迷望眼日暮起浮

雲

綠珠辭

井底生明月樓頭墜寶星
年年金谷草春入美人

青

焦仲卿妻

生為仲卿婦死與仲卿齊
廬江同樹鳥不過別枝

啼

小臨海曲 一名洞庭曲

日落洞庭波吳娃蕩槳過道人吹鍊笛風浪夜來

多

又

道人鐵笛響半入洞庭山天風將一半吹度白銀

灣

又

仙橘大如斗浮之過洞庭江妃渾未識喚作楚王

萍

又

海客報奇事青天火甕飛明朝雷澤底新有落星

磯

又

網得珊瑚樹移栽瑪瑙盆夜來風雨橫龍氣上珠

根

又

海上雙雷島渾如灑瀕堆
垂龍扶山脚飛渡海門
來

又

潮來神樹沒潮歸神樹青
雲裏天妃過龍旗帶雨
腥

又

客入毛公洞洞深人不還
明年探禹穴相見會稽
山

又

太液象圓海金蓮夜夜開
水中萬年月照見昆明

灰

又

秦峰望東海雲氣常飄飄
桑田明日事奚用石為
橋

桂水五千里

桂水五千里春來波浪深
地消青草瘴花發乳蕉

林

又

桂水五千里瀟湘雨氣空衡山七十二望見女英

峰

又

桂水五千里南風大府開象王新貢入鮫女送珠

來

又

桂水五千里上有鸚鵡洲美人生遠思今夜在南

樓

鐵崖先生古樂府卷之九

鐵崖先生古樂府目錄

卷十

西湖竹枝歌 九首
吳下竹枝歌 七首

春情 二首
漫興 七首

冶春口號 七首
漫成 五首

春俠雜詞 十首
燕子辭 四首

小遊仙 二十首

海鄉竹枝歌 四首

鐵崖先生古樂府目錄

終 卷十

鐵崖先生古樂府卷之十

西湖竹枝歌

蘇小門前花滿株
蘇公堤上女當壚
南官北使須到此
江南西湖天下無

又

鹿頭湖船唱赧郎
船頭不宿野鴛鴦
為郎歌舞為郎死
不惜真珠成斗量

又

家住城西新婦磯
勸君不唱縷金衣
琵琶元是韓朋木
彈得鴛鴦一處飛

又

勸郎莫上南高峰
勸我莫上北高峰
南高峰雲北高雨
雲雨相催愁殺儂

又

湖口樓船湖日陰
湖中斷橋湖水深
樓船無柁是郎意
斷橋有柱是儂心

又

病春日日可如何
起向西窗理琵琶
見說枯槽能卜命
柳州衙口問來婆

又

小小渡船如缺瓜
船中少婦竹枝歌
歌聲□入空侯調
不遣狂夫橫渡河

又

石新婦下水連空飛
來峰前山萬重
妾死甘為石

新婦望郎忽侶飛來峰

石新婦即秦皇纜石是也

又

望郎一朝又一朝信郎信似浙江潮床脚搯龜有時爛臂上守宮無日消

吳下竹枝歌

三箸春深草色齊花間蕩漾勝耶溪採菱三五唱歌去五馬行春駐大堤

又

家住越來溪上頭臙脂塘裏木蘭舟木蘭風起飛花急只逐越來溪上流

又

寶帶橋西江水重寄郎書去未回儂莫令錯送回文錦不答鴛鴦字半封

又

馬上郎君雙結椎百花洲下買花枝罍眾冠子高一尺能唱黃鶯舞鴈兒

又

白翎鵲操手雙彈舞罷胡笳十八般銀馬杓中勸
郎酒看郎色似赤瑛盤

又

騎馬當軒鵠莆靴西風馬上鼓琵琶內家隊裏新
通籍不是南州百姓家

又

小娃十歲唱桑中盡道吳風似鄭風不信柳娘身

不嫁真珠長絡守宮紅

春情

惜春正是上春時何處春情可賦詩吳王亭下闢
芳草蘇小門前歌柳枝

又

灼灼桃花朱戶底青青梅子粉牆頭蹋歌起自春
來日直至春歸唱不休

漫興

金崖樂府 四
畫畫溪頭翠水家水邊短竹夾桃花春風啖人狂
無那走覓南隣羯鼓過

又

丈人接羅白種栽花邊下馬不驚猜環沈溪頭買
酒去高堂寺裏看碑來

又

長城女兒雙結了陳皇宅前第一家生來不識古
井怨唱得後主後庭花

又

楊花白白絲初迸梅子青青核未生大婦當壚冠
似瓠小姑吃酒口如櫻

又

今朝天氣清明好江上亂花無數開野老殷勤送
花至一雙蝴蝶趁人來

又

南隣酒伴辱相呼共訪城東舊酒壚柳下秋千間

絡索花間喚起勸胡盧

又

我愛東湖舊廣文更過水口覓將軍醉歸嘗騎廣
文馬不怕打鼓噤黃昏

冶春口號

寄崑山袁郭呂三才士

今年臘底無殘雪却是年前十日春騎馬行春橋
上路密梅花發便撩人

又

吳下逢春春思濃不堪花發館娃宮吳山青青吳
水白愁殺江南盛小叢

又

見說崑田生玉子海西還有小崑崙明朝去扳珊
瑚樹龍氣隨飛過海門

又

鮫郊蕪斤傳海上海人一尺立階前婁江馬頭天
下少春水如天即放船

又

南朝宮體袁才子更說西崑郎孝廉自是玉臺新
句好風流無復數香奩

又

湖上女兒柳葉眉春來能唱黃鶯兒不知却是青
娘子飛倚枇杷索荔枝

又

西樓美人不受呼清第一曲似羅敷可無東廐五

花馬去博西樓一斛珠

一斛珠
妓名也

漫成

四十已過五十來白日一半夜相催勸君秉燭須
秉燭七十光陰能幾回

一本云勸君
有酒須秉燭

又

西陵昨夜笑暴卒東家今日悲免官今日不知來

日事人生可放酒杯乾

一作
莫放

又

徐家園裏野鶯啼
張家樓頭客燕棲
千金買宅作
郵傳何處高垣大字題

又

鐵笛道人已倦遊
算年懶上玉墀頭
只欲浮家若
雪上小娃子夜唱湖州

又

小娃家住白蘋洲
只唱舍郎如莫愁
風波不到鴛
鴦浦承恩曷用沙棠舟

舍郎一作
赧郎

春俠雜詞

金丸脫手彈鸚鵡
玉鞭嬉笑擊珊瑚
侍兒無賴有
如此知是霍家馮子都

又

花袍白面呼郎神
當堦奪花不避人
天馬乘龍金
絡腦賈家貴婿正嬌春

又

柘林縱獵金毛鷹
花街行春銀面馬
夜宿倡樓酒

朱醒飄風吹落鴛鴦瓦

又

朱提注酒酒如池太白淋漓吃不辭上樓更衣玉
山倒腰間帶脫金犀毗

又

蜀琴初奏雙鴛鴦嶰竹和鳴雙鳳皇夜闌酒散不
上馬紫荆月墮西家墻

又

石上葉生青鳳尾堦前花開黃鵠觜美人弄水百
花池水洒花枝雙蝶起

又

耳男草生小院西堦前錦石與人齊錢塘潮生當
午信丹雞飛上上頭啼

又

鳳皇城外橫門道小妓軍裝金線襖春暉無賴苦
撩人自下雕鞍蹋芳草

又

西江嫩人久不見手把新題合歡扇
鯉書憑送相思書霸王門前水如箭

又

美人遺我崑溪竹未寫雌雄雙鳳曲
愛惜長竿繫釣緡釣得江西雙比目

燕子辭

宜男草生春又歸美人春病減腰圍
何如使君堂

前燕將得春雛入幙飛

又

燕子將雛春又深不堪春思似秋心
東郊春入車前草蕩子馬蹄何處尋

又

燕子來時春雨香燕子去時秋雨涼
鴛鴦一生不作客夜夜不離雙井塘

又

燕子樓頭入妾家
燕來燕去惜容華
祇應韓重相思骨
化作湖中並蒂花

小遊仙
雨香燕子去
和珠雨
京華一士不

元君賜覲素華臺
酒飲龍胎五色醅
醉啖蟠桃三百顆
手懷遺袂大如杯

又
燕去又
聯珠
天
不
對
春
風
綠
柳
山
東
故
春
人
車

女郎雙雙白玉床
對博宛在橘中央
青城不取態
盈襪閑賭蕭家雙鳳皇

又

東華塵又起瀛洲
十屋今添第幾籌
阿母西來騎
白鳳蛾眉相見不勝秋

又

素華殿上玉垂簾
羿家婦來為可嫌
河上劍翁肝
膽露電光一道落妖蟠

又

麻姑今夜過青丘
玉醴催斟白玉舟
莫向外人矜

拍爪酒酣為我擘筵篋

又

蓮華舟高河漢垂黃姑玉女會佳期玉清久入衙
城洞莫遣成都賣卜知

又

道人得道輕骨毛飛渡弱水能千遭明朝挾至兩
浮島卧看滄洲戲六鰲

又

青丘書隨雷電亡尚作草木蟲魚荒問渠甲子不
能紀但指綠睛雙眼方

又

天上萇常宮又成文章只數老玄卿五雲閣吏亦
謫世牛鬼少年專盛名

又

別來已及三百秋遊遍乾坤第十洲不識人家今
幾世明朝騎鶴過山頭

又

日落海門吹鳳斝須臾海水沸如炬船頭處女來
相喚知是洞庭千歲蛟

又

青玉參差嶰管裁瑄中吹得鳳皇來贏家樓頭縵
紗女底用蕭郎築鳳臺

又

賣藥相逢千歲公蓬萊曾約祖龍東空留一兩黃

金鳥不到蓬萊第一宮

又

曾與毛劉共學丹丹成猶未了情緣玉皇勅賜西
湖水長作西湖月水仙

又

西湖仙人蓮葉舟又見石山移海流老龍卷水青
天去小朵蓮花共上遊

又

當時笑我去學仙
汝但求金與求田
不知昨夜城頭鶴
問此無人識墓阡

青旄節衛翠雲
駟按部東行過赤城
龍女遺珠雞卵大
結為雙佩賜方平

若木西來赤岬東
白金城闕碧珠宮
天家令急不敢任
折得五花歸飴龍

又

東逾弱水赤流深
夜得桃都息羽旌
地底日迴天上去
金雞如鳳自交鳴

又

金鷲蕊生瑤水陰
錦駝鳥鳴珠樹林
上皇勅賜龍色酒
天樂五雲流玉音

海鄉竹枝歌

潮來潮退白洋沙
白洋女兒把耒耜
苦海熬乾是

何日免得儂來爬雪沙

又

門前海圻到竹籬堦前腥臊蝨子肥
狸仔三歲未識父郎在海東何日歸

又

海頭風吹楊白花海頭女兒楊白歌
楊花滿頭作盃舞不與斤兩添銅鈞

又

顏面似墨雙脚頰當官脫袴受黃荆
生女寧當嫁盤瓠誓莫近嫁東家亭

鐵崖先生古樂府卷之十

鐵崖先生古樂府補目錄

卷一

荆卿失匕歌

補梁毗哭金辭

補日飲毋苛辭

冰山火突詞

月氏王頭飲器歌

附張憲和辭

附李費和辭

附顧亮和辭

楚國兩賢婦

楚妃曲

慈雞田

北雞雄

秦女休行

木蘭辭

羅敷詞

漂母辭

鳳皇曲

長門怨

燕燕步踟踟

焦仲婦

蔡琰胡笳辭

銅雀妓

黃花辭

菖蒲花辭

綠珠行

鐵崖先生古樂府補目錄

卷之一

鐵崖先生古樂府補卷之一

荆卿失匕歌

風瀟瀟水瀟瀟馬嘶燕都夜生角壯士悲刀拔削

叶徐孃七尺八銛函中目光射匕尖樊於期首先王地

下汗如雨匕機一失中銅柱後客不來可奈何十

三小兒面如土擊筑復擊筑壯士漸離重矐目倉

君倉君亦何為博浪沙走千金椎君不見鎬池君

徐家園裏野鶯啼
張家樓頭客燕棲
千金買宅作
郵傳何處高垣大字題

又

鐵笛道人已倦遊
算年懶上玉墀頭
只欲浮家若
雪上小娃子夜唱湖州

又

小娃家住白蘋洲
只唱舍郎如莫愁
風波不到鴛

鴦浦承恩曷用沙棠舟

舍郎一作
承郎

春俠雜詞

金丸脫手彈鸚鵡
玉鞭嬉笑擊珊瑚
侍兒無賴有
如此知是霍家馮子都

又

花絕白面呼郎神
當堦奪花不避人
天馬乘龍金
絡腦賈家貴壻正嬌春

又

柘林縱獵金毛鷹
花街行春銀面馬
夜宿倡樓酒

朱醒飄風吹落鴛鴦瓦

又

朱提注酒酒如池太白淋漓吃不辭上樓更衣玉

山倒腰間帶脫金犀毗

又

蜀琴初奏雙鴛鴦嶰竹和鳴雙鳳皇夜闌酒散不

上馬紫荆月墮西家墻

又

石上葉生青鳳尾堦前花開黃鵠觜美人弄水百
花池水洒花枝雙蝶起

又

冝男草生小院西堦前錦石與人齊錢塘潮生當
午信丹雞飛上上頭啼

又

鳳皇城外橫門道小妓軍裝金線襖春暉無賴苦
撩人自下雕鞍蹋芳草

又

西江嫩人久不見手把新題合歡扇
鯉書憑送相思書霸王門前水如箭

又

美人遺我崑溪竹未寫雌雄雙鳳曲
愛惜長竿繫釣緝釣得江西雙比目

燕子辭

宜男草生春又歸美人春病減腰圍
何如使君堂

前燕將得春雛入幙飛

又

燕子將雛春又深不堪春思似秋心
東郊春入車前草蕩子馬蹄何處尋

又

燕子來時春雨香燕子去時秋雨涼
鴛鴦一生不作客夜夜不離雙井塘

又

燕子樓頭入妾家燕來燕去惜容華祇應韓重相
思骨化作湖中並蒂花

勸下小遊仙西香燕去去執絲雨紫雲海一土不

元君賜覲素華臺酒飲龍胎五色醅醉啖蟠桃三
百顆手懷遺栝大如杯

又

女郎雙雙白玉床對博宛在橘中央青城不取態
盈襪閑賭蕭家雙鳳皇

又

東華塵又起瀛洲十屋今添第幾籌阿母西來騎
白鳳蛾眉相見不勝秋

又

素華殿上玉垂簾羿家婦來為可嫌河上劍翁肝
膽露電光一道落妖蟠

又

麻姑今夜過青丘玉醴催斟白玉舟莫向外人矜

拍爪酒酣為我擘筵篋

又

蓮華舟高河漢垂黃姑玉女會佳期玉清久入衙

城洞莫遣成都賣卜知

又

道人得道輕骨毛飛渡弱水能千遭明朝挾至兩

浮島卧看滄洲戲六鰲

又

青丘書隨雷電亡尚作草木蟲魚荒問渠甲子不

能紀但指綠睛雙眼方

又

天上萋常宮又成文章只數老玄卿五雲閣吏亦

謫世牛鬼少年專盛名

又

別來已及三百秋遊遍乾坤第十洲不識人家今

幾世明朝騎鶴過山頭

又

日落海門吹鳳斝須臾海水沸如炮船頭處女來
相喚知是洞庭千歲蛟

又

青玉參差嶰管裁瑄中吹得鳳皇來贏家樓頭縹
緲女底用蕭郎築鳳臺

又

賣藥相逢千歲公蓬萊曾約祖龍東空留一兩黃

金鳥不到蓬萊第一宮

又

曾與毛劉共學丹丹成猶未了情緣玉皇勅賜西
湖水長作西湖月水仙

又

西湖仙人蓮葉舟又見石山移海流老龍卷水青
天去小朵蓮花共上遊

又

常時笑我去學仙
汝但求金與求田
不知昨夜城頭鶴
問此無人識墓阡

青旄節衛翠雲輶
按部東行過赤城
龍女遺珠雞卵大
結為雙佩賜方平

若木西來赤岬東
白金城闕碧珠宮
天家令急不敢任
折得五花歸節龍

又

東逾弱水赤流深
夜得桃都息羽旌
地底日迴天上去
金雞如鳳自交鳴

又

金鷲滋生瑤水陰
錦駝鳥鳴珠樹林
上皇勅賜龍色酒
天樂五雲流玉音

海鄉竹枝歌

潮來潮退白洋沙
白洋女兒把耒耜
耜苦海熬乾是

何日免得儂來爬雪沙

又

門前海圻到竹籬堦前腥臊蝨子肥
狸仔三歲未

識父郎在海東何日歸

又

海頭風吹楊白花
海頭女兒楊白歌
楊花滿頭作

鹽舞不與斤兩添銅鈞

又

顏面似墨雙脚頰
當官脫袴受黃荆
生女寧當嫁

盤瓠誓莫近嫁東家亭

鐵崖先生古樂府卷之十

鐵崖先生古樂府補目錄

卷一

荆卿失匕歌 補梁毗哭金辭

補日飲毋苛辭 氷山火突詞

月氏王頭飲器歌 附張憲和辭

附李費和辭 附顧亮和辭

楚國兩賢婦 楚妃曲

慈雞田 北雞雄

秦女休行

木蘭辭

羅敷詞

漂母辭

鳳皇曲

長門怨

燕燕步踟踟

焦仲婦

蔡琰胡笳辭

銅雀妓

黃花辭

菖蒲花辭

綠珠行

鐵崖先生古樂府補目錄

卷之一

鐵崖先生古樂府補卷之一

荆卿失匕歌

風瀟瀟水瀟瀟馬嘶燕都夜生角壯士悲刀拔削

叶徐孃七尺八銛函中目光射匕尖樊於期首先王地

下汗如雨匕機一失中銅柱後客不來可奈何十

三小兒面如土擊筑復擊筑壯士漸離重矐目倉

君倉君亦何為博浪沙走千金椎君不見鎬池君

壁在水龍腥忽逐魚風起於乎刺客死君王不用

買俠才留取千金買方士

一卷作易水歌而語稍異

補梁毗哭金辭

隋大理卿梁毗為安寧刺史凡蠻長以金

多者為豪俠遍相攻奪酋長相率以金來

遺毗毗置金座側對之慟笑曰此物飢不

可食寒不可衣汝等以此相滅今將此物

來又殺我邪一無所受余為毗補笑金辭

汝金來

叶

我今與汝辭汝辭不犀能斫我頓汝液

不鳩能折我肌金谷汝剝首金塢汝焚尸金兔汝

滅族金牛汝喪師故我與汝永訣誓不為安寧貪

刺史寧為齊黔婁魯榮啓期

補日飲毋苛辭

勸君酒呼酒來

叶

尚方肉食有腊毒天賜我酒壽

君金屈卮君不見漢家中郎絲廷毀丞相斥嬖兒

吳中脫死婦阿種

姪

者勸以日飲毋苛鬪雞走狗

嘻不則利劍刺君君莫支於乎十七客肩相隨培
生日者弗能知阿種真好兒

冰山火突詞

冰山不可倚冰破割爾足火突不可附火燎爛爾
肉君不見魏其侯門下客獨厚灌太僕太僕相引
重勢若繩合束身服碁功更與一作結歡田相國
相國席上縛騎兵首懸東市及支屬魏其侯尸謂
城東朝有制不可贖

月氏王頭飲器歌

黑風吹飗飗不流冒頓夜斷強王頭黃金留犁攪
玉斗一飲一石酥馳秋眼紅吮嚙生血聚汗滴石
樓濕青雨石汗蓋骨鬼妻扣骨骨欲磨精禽飛來
作人語黃雲壓日日欲頽將軍回首李陵臺君不
見漢家西風凋細柳老上單于誇好手棘門胡盧
可盛酒

附張憲和辭

持爾月支頭飲我虎士頭虎士飲之怒生瘦
 紅酒熟黃金梓淋漓猶疑血未乾雄心如劍四
 五動倒蘸狼山海波湧帳前按劍千熊羆耳熱
 聽我歌容蠹此杯持勸藺夫子烏能持勸武陽
 兒

附李費和辭

先生作月氏王頭飲器歌雖李長吉復生
 不能鬪其雄棘門胡盧蓋託今反面事讐

者讀者不知其微費借和之

太白入月月欲頽胡風吹度白龍堆血函糝糊
 截仇首半腕剗作玻璃盃目皆生紅酒微瀨戎
 王胸堂沃焦熱青氊帳下唱胡歌三十六國肝
 膽裂金篋攪紅紅欲凝腦中猶作銅龍聲千年
 古恨恨未平怨魂飛作精衛精君不見漆身復
 仇仇未復地下義人吞炭矣

余讀費辭為之擊几而歌費真孤精也時

鐵門和者稱張憲明日費辭至憲拜之曰
 吾當放君一頭取已作而焚之余復技癢
 作些月氏頭歌令費和之費謝曰某氣竭
 矣

嗚呼老氏顱大如斗眼中燐吹欲腥游魂夜笑燈
 前走夢呼老氏顱在手倒瀉一聲索郎酒嗚呼飲
 月氏酒船不倒劉伶屍酒淋汝顱胡用悲君不見
 左賢截落血丸頂藜蒺營邊作溺血

附顧亮和辭

月氏王頭歌古作數十篇未有能發其雄
 憤者及觀先王之作皆是玉樓鬼不能道
 者發其千載雄憤為古今絕唱一時和者
 不許張憲而獨稱賞李費費真狐狸精也
 亮不敏何敢望費以先生之命僭和之

月氏肉碎如雪月氏顱勁如鐵快劍一斫天柱
 折留取胡盧飲生血冒頰老魅呼月精夜酌葡

荀隴月明鬼妻踣地號我天可汗天靈哮虎聲
嘶酸於乎顛予顛予汝勿悲我令酌汝金留犁
黔州都督有血頂精蒐夜夜溺中啼

楚國兩賢婦

列女傳楚王持金聘接輿夫負釜甌妻戴
衽器變易姓名而遠陟莫知所之老萊畊
蒙山之下楚王以璧帛聘之不至王駕至
老萊門妻曰可食以酒肉者可隨以鞭箠

可授以官祿者可隨以鈇鉞遂與老萊棄
畚而去

楚國兩賢婦婦夫萊與輿寧隨夫壻饁牛下不願
夫壻專城居投畚却車駕挈器采樵蘇嗚呼今丈
夫棄畊貪祿句粟萬鍾養孥句孥未養身受醢菹
禍及其夫叶永為二婦笑鄙夫

楚妃曲

琴論有楚妃歎七拍楚妃樊姬也余嘗論

楚妃之德不妬而善諫不妬者進後宮九
人善諫者止王之獵嘆虞丘子也古辭未
及諫事惟張籍及之故吾辭亦取興於獵
云

朝游田雲夢藪莫游田雲夢藪樊姬諫不售矢不
食田中獸妾願王王壽考叶獵賢才開伯道楚國
夔龍孫外兒非麟非虎非熊羆虞丘子真狐狸

慈雞田

補魏公子乳母
辭見列女傳

秦下令購魏孤匿孤罪族俱屠嗟慈雞獨哺雛秦
令毒毒如狐慈雞知有雛不知有狐搏我軀

牝雞雄

列女傳伯嬴秦穆女楚昭王之母也吳王
入郢妻昭之妻又欲妻其母嬴嬴伏劍不
可犯而止為作牝雞雄補樂府缺

牝雞雄秦氏熊

公谷書
嬴作熊

吳王入楚妻後宮牝雞雄

把劍夜嘯生悲風夫亡子遁誰適從人言秦雞解

逐鳳不知北逐孤飛龍

秦女休行

秦氏有烈女自名為女休虛叶左手執白揚刀右手

把烏龍受年十五妻燕王夫燕王陷無辜取仇西

山上殺人白晝衢關吏不敢睚眦司敗莫孰何叶

於乎殺人者殺劊人者劊女休豈敢避法走歲累

嫂與兄使縣吏解章女休自婦罪丞相列坐東南

床丞卿議罪拘文法故常牽曳東市頭法刀利如

霜刀未下金雞銜救出法場百男盡短一女長嗟

嗟女休真女郎丈夫堂堂掩面事仇女休眎之如

妾婦女娼

木蘭辭

木蘭古辭二首世疑金析鐵衣句非漢魏

語余觀二辭前辭為古後詞蓋又擬者之

作也吾為此辭又將發蘭之所未發也

金龍龍鼓謹謹行人且勿行木蘭換衣裹戎裘木

蘭戴金鉅鉞著鐵柄檔右手鴈翎刀左手月輪弓

叶跨上八尺馬輕若飛鴻翔木蘭父老下無丁弟

上無壯王兄叶木蘭代父前我行我羗健兒八尺

長不知木蘭與強木蘭叶跣跣誰雌誰復雄

叶健兒何草草木蘭何堂堂東市斫西市斫相斫

似阿若郎楊若阿事擒賊報信歸報我國王國王賞功

爵名字始知木蘭是女娘女娘安用尚郎請移木

蘭爺娘當國王進忠良制我羗垂衣裳不下堂木

蘭去兵亦為婦採桑

羅敷詞一作陌上桑

盈盈秦氏女采桑南陌頭一顧雲不飛再顧水不

流使君立五馬招徼重回頭艷歌為君發繁絲為

君掇使君有婦如有妾羅敷有夫非秋胡使君喜

使君愁羅敷不得須臾留

漂母辭

諸母漂泗濱一母眼中識窮人盤有餘餒及汝王

孫竟我漂食踰兼旬王孫封王報母以千金叶文
夫養賢不如漂仁又豈知鍾室妬婦殺功臣過客
酬墓千千春

鳳皇曲 即白頭吟

鳳殊栖皇悲啼比翼不如鳧與雞皇悲啼鳳殊栖
造端不能合隙終不能睽卷衣香未歇薦琴絃未
絕昔日連環心今朝兩分別乃知茂陵女未求溝
水已作東西流

長門怨

阿嬌盼美目阿嬌貯金屋金屋瑤華春未老長門
一夜生秋草蜀才人金百斤受金為我賦長門長
門寫春愁君王見之為傷秋臨邛溝水東西流不
知悲婦悲白頭

燕燕步踟踟

燕燕步踟踟 飛燕善踟踟步 飛附陽阿主燕燕尾涎涎飛
宿昭陽殿啄子啄及矢誓斷涎涎尾 臬其首斷其手帝怒語也

十四月虹流輝望堯門方是耶非帝以其姪踰十四月當生聖人

市犢婦滔鳳飛玄宮之人予白華綠衣燕諧班姬班姬退處

東宮作賦自悼白華綠衣賦中之語也

焦仲婦

舊序言仲廬江小吏漢安時人古辭凡千

七言予嫌其辭過冗而情不倫復述此辭

劉氏有好女十三能織素十五能箜篌十六通書

數十七為焦氏婦得意焦氏夫失意焦氏姑阿母

謂阿仲汝去爾婦爾婦自專不受驅東隣有女如

羅敷吾與汝聚如水與魚阿何孝母復愛妾愛妾

愛必割母命不可違斯須仲去婦無七辜為吾謝

外姆破鏡毋再合斷絃當再續平聲婦感仲區區誓

天日不再家叶君如盤石妾如葦蒲葦蒲繞石石

不車但苦親父亡父亡有暴兄叶暴若豺與狼迫

我再事人不得畱母堂脫我舊絲履重作嫁衣裳

腰襪繡華袜耳著明月鐙團扇画雙鸞箜篌彈鳳

皇蓋若市門使我掩面不得藏昨日縣令媒云有
弟三郎今日府君媒云有弟五郎金鞍玉腦馬青
雀白鵠舫平聲雜彩三百端賚錢三萬鎰平聲仲婦不
得懼違我暴兄叶寧違暴兄死不違焦仲使意傷
矢爲焦家一姓婦不爲他婦食二家水漿開戶四
無人投身赴滄浪焦仲聞之裂肝腸挂身一在枯
枝桑兩家合葬廬水倚暴姑悍兄淚浪浪

蔡琰胡笳辭

胡笳悲胡笳悲遭家喪亂胡越各東西漢南破鏡
天上飛照鏡重画關氏眉衣毳如絺食乳如飴日
積月漬口語侏儻夜看北斗在南垂胡天草青十
二碁死甘胡鬼狼山陂漢大將軍念中郎氏不嗣
贖以千萬貨單于貪鄙經合與離卷蘆吹笳送南
歸碧睛狼子褫母衣嗟爾去住猶狐疑一步一遠
足踟躕皇天白日不照父母國偏照子母私心懸
懸如飢我作爾調憤益悲彼狼子胡足慈不見

世達獸行兒獸行妻母忍死母句鴆一卮

十八拍之悲在二雛耳豈為失身之悲耶唐劉

商和十八拍其詞曰生得天屬親仇讐結恩信

善言其悲而不知有破其悲者先生詞云皇天

白日不照父母國偏照子母私既諷之以大義

而世達獸行妻母忍死者又警之以往事之必

至者使姬聞九冥其不愧且服乎

銅雀妓

火龍戕銅雀翔漳河水鼎中央魏武王安得萬萬

壽長生銅雀宮

叶

百歲葬西岡銅雀妓不得與金

銀珠寶同埋藏臺上六尺牀牀下總帳奠酒糗月

十五作伎以為常更令登高臺而望西陵

良

漳河

水啾啾東下不回頭銅雀妓漳河流試問臺上妓

何不殉死如秦丘

黃花詞

齊后主
穆后

柈壁闕丹丘網軒接瓊樓金人未成鑄玉冊竟為

偶后裳輝錦襜伶衣亂珠黠典禮既乖連網維蕩
無有百年神武基勢落清觴酒嗟我金湯固一朝
拉枯朽

黃花穆后之小字也本宋欽道奸私所生欽道
伏誅黃花遂入宮有幸後主遂立之為后童謡
曰黃花勢欲落清觴滿杯酌後主自立穆后昏
飲無度故云清觴滿杯酌言黃花不久也

菖蒲花辭

馮小
憐

黃花落菖花開勸君續命酒金琵琶聲若雷晉州古
城鐵甕裂大人石點燕支面玉鏡高臺画眉未蟠
蛇陣前看兒戲馬上走戎裝緯衣上身何短長長
風起華橋日落漳河道為君始為君終菖花不如
美人草

馮淑妃名小憐慧黠能彈琵琶攻歌舞穆后從
婢后愛衰以五月五日進號於後主曰續命用
師取平陽帝獵於三堆晉州告急帝將還淑妃

請更殺一國自晉陽以皇后衣至帝為按轡命
 淋着之然後去及帝遇害以淋妃賜代王達因
 作絃斷詩曰雖蒙今日寵猶憶昔時怜欲知心
 斷絕應看膝上絃隋文帝賜達妃先字詢合着
 布裙春詢母逼自殺

綠珠行

主家高樓起金谷買妾不惜真珠斛美人買得一
 片心不買青眉與明目手持玉笛吹鳳皇誓漢蕭

史雙頰頰樓頭侍宴宴未徹甲光一片樓前雪神
 珠一點擲画闌化作流星光不滅嗚呼珊瑚步障
 裂行人吊珠在古井井中照見青天月石家妾石
 家笑二十四人金谷友叶吐八驕道菊方拜履題與九卷

詞異

鐵崖先生古樂府補卷之一

